

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i članova 8. i 13. Pravilnika o načinu raspolaganja količinama mineralnih sirovina i jalovine iskopanih prilikom izvođenja građevinskih i drugih radova („Službene novine Zeničko-dobojskog kantona“, broj: 3/14), na prijedlog Ministarstva za privredu, Vlada Zeničko-dobojskog kantona, na 74. sjednici, održanoj 19.10.2016. godine, d o n o s i

ODLUKU

o načinu raspolaganja količinama mineralne sirovine iz iskopa pri realizaciji projekta „Vrata grada 2“ u Općini Tešanj

Član 1.

(Predmet)

Odobrava se Općini Tešanj raspolaganje iskopom mineralne sirovine kamena u količini od 3.000 m³ rastresite mase, koji je nastao prilikom realizacije projekta od javnog interesa - građevine „Vrata grada 2“, a koji se prema projektnoj dokumentaciji ne ugrađuje u obuhvatu ove građevine.

Član 2.

(Dužnost Investitora i Općine)

Zadužuju se investitor Mehmed (Muharem) Krkalić i Općina Tešanj da za iskop deponovan na lokalitetu na potezu Autobuska stanica-Kružna raskrsnica, na ulazu u Tešanj, vode evidenciju preuzetih i ugrađenih količina, te da izvještavaju Ministarstvo za privredu i Kantonalnu upravu za inspekcijske poslove, svakih šest mjeseci, ukoliko radovi traju duže od ovog razdoblja.

Član 3.

(Konačan izvještaj)

Po završetku radova Investitor i Općina Tešanj su dužani izraditi konačni izvještaj, te ga predati u Ministarstvo za privredu i Kantonalnu upravu za inspekcijske poslove.

Član 4.

(Sastavni dio)

Sastavni dio ove odluke čini Sporazum o načinu raspolaganja količinama mineralne sirovine iz iskopa pri realizaciji projekta „Vrata grada 2“ u Općini Tešanj, broj: 02-49-2-914-3/16 od 15.09.2016. godine, zaključen između Općine Tešanj i Mehmeda (Muharem) Krkalića –Investitora.

Član 5.

(Provođenje Odluke)

Za realizaciju ove odluke zadužuje se Ministarstvo za privredu i Kantonalna uprava za inspekcijske poslove, svako u okviru svoje nadležnosti.

Član 6.

(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-18-17432/16.

Datum, 19.10.2016. godine

Z e n i c a

DOSTAVLJENO:

1 x Ministarstvo za privredu,

1 x Kantonalna uprava za inspekcijske poslove,

1 x Općina Tešanj, putem Ministarstva,

1 x Mehmed Krkalić, Tešanj, Krndija, bb, putem Ministarstva,

1 x „Službene novine Zeničko-dobojskog kantona“,

1 x a/a.

PREMIJER

Miralem Galijašević